



Universitätsbibliothek Paderborn

Synopsis Magnalium Divi Josephi

Ignatius < a Sancto Francisco >

Leodii, 1684

Sect. 2. An illud matrimonium quod exterius contraxerunt fuerit omni ex parte verum?

urn:nbn:de:hbz:466:1-38500

salvari debet. Probatur secundò, quorum enim D. Josepho Virginem sibi solum despontatam dimittendi tam anxia sollicitudo, tam dura cogitatio, dum inventa est in utero habens de Spiritu Sancto Matth. cap. 1. si tunc non erat vera ejus uxor saltem in foro externo quandoquidem omnibus notum sit quod per simplicem fornicationem supervenientem sponsalia nuda jure naturae ditimantur. Probatur tertio, quia dato quod tunc tantum fuissent sponsalia de futuro matrimonio, quando Matthæi cap. 1. Desponsata Mater IESU Maria Joseph, ut volunt illi, postmodum tamen debuit esse Matrimonium per verba de prætenti cum ritibus publicis & consuetis, alioquin inter Mariam & Joseph violata fuisset fides sponsalium: spoderant enim matrimonium quod non contraxerunt. Probatur quartò, quia cum constet ipsos post istam despontationem simul & sub eodem testo totam vitam transfigisse, quomodo id potuissent nisi conjugati sine scandalo: quod Beatæ Virginis & Divo Josepho affectare quis audeat nisi impius, impurus & blasphemus? Probatur quinto, Judæi Christi hostes jurati non cum per despctum Joseph Fabri filium vocitassent, sed potius ut ex fornicatione natum traduxissent, si eos ante ejus nativitatem nupsisse non fuisset notissimum: quod cum nunquam fecerint, facturi si potuissent, quia illi infensissimi, signum est manifestissimum eos publicè ut alii nupsisse.

VI.

Objicies, Patres multi inter quos Divus Epiphanius hærel. 78. S. Cyrilus Hieros. Catech. 12. D. Hieronymus, D. Hilarius, & Theophylactus in cap. 1. Matth. videntur insinuare Beatam Virginem non fuisse uxorem D. Josephi, sed ejus dumtaxat Sponsam, iuxta illud Luca c. p. 2. ubi dicitur Joseph ascendisse à Galilæa in Bethleem propter edictum Cæsaris cum Mariâ despontatâ sibi uxore prægnante: ergo quando ascendit non erat Maria ejus uxor, sed tantum despota, seu promissa in uxorem. Notat præterea Euthymius Mariam à Josepho non ad nuptias, sed ad custodiæ acceptam; quæ proinde si aliquando dicitur uxor Joseph, tunc

nomen uxoris vel conjugis pro nomine sponsæ usurpatur.

Respondeo illos Patres ita loqui, VII. non quod velint eos non nupsisse publicè, & per verba de præsenti, cuius oppositum adeò certum est: sed quod nolint fuisse conjuges, ut alii, ad copulam; & ut significant tam ab eis illam absuisse, ac si non vir & uxor fuissent: sed simpliciter Sponsus & Sponsa remanserint; quoad locum Lucæ ineptè valde illum interpretantur objicientes, ridiculum enim est quod solum inter illos fuisset promissio de futuro, & quod ille ut caput familia cum solum despontatâ seu promissa in Matrimonium, ascendisset ad profundum & solvendum Cœlesti censem.

SECTIO II.

An illud Matrimonium quod exteriū contraxerunt fuerit omni ex parte verum?

Negare videntur primò D. Gregorius Nyssenus homil. de Christi Nativitate, D. Damascenus lib. 4. de Fide cap. 15. Nicephorus ex Evodio lib. 1. cap. 7. & lib. 2. cap. 3. Andreas Cretensis orat. de Dormit. Virg. Origenes tract. 26. in Matth. & Theophylactus in Matth. cap. 23. qui referunt Sacerdotes post annos undecim quos Beata Virgo in templo exegerat, confilium iniisti quid de Sacra illâ Virgine statuerent, quam audierant virginitatem Deo vovisse: quia nec decebat, nec usitatum erat, ut mulier jam adulta in templo remaneret: & aliundè timebant alicui viro jus & potestatem in corpus illud Deo per votum dicatum, facere. Tandem vero divinâ inspiracione decrevisse, eam tradere nomine despontationis, cuidam viro ad custodiendam ejus virginitatem idoneo, qualis Joseph, ex eadem cum Virginie familiâ & Tribu inventus, existimatus est. Ex quo infertur non fuisse verum matrimoniū, sed veluti quoddam pactum ad mutuam tantum cohabitationem ordinatum, sub nomine matrimoniū, ut Joseph B. Virginis ministraret, ejusque virginitatis cultos existeret.

Gg

D. Hiero.



IX.

D. Hieronymus in cap. 1. Matth. dicit Joseph fuisse Beatæ Virginis nutrictum non maritum; D. Bernardus homil. 2. in missus est: *Virum*, inquit, nominat quia homo virtutis erat non quia maritus. D. Chrysostomus homil. 4. in in Matth. *Conjugis nomine*, inquit *sponsum intelligit*, & homil. 5. post med. indicat inter D. Iosephum & B. Virginem non intercessisse matrimonium: quod etiam faciunt D. Greg. Magnus homil. 26. & 27. in Evang. D. Epiphanius hæref. 78. D. Ambrosius epist. 79. & lib. 2. in Lucam in principio & lib. de Instit. Virgin. cap. 6. & 7. D. Chrysologus serm. 157. & D. Cyrilus Hierosolymitanus Catech. 12. circa finem: ubi hic ultimus videtur velle non fuisse magis intet illos matrimonium quam erat inter Jacob & Rachel priusquam illam acciperet à Patre ejus Laban: ait enim. Meminimus Jacob qui priusquam acciperet Rachel dicebat ad Laaban *da mihi uxorem meam*: sicut enim illuc ante nuptiarum constitutionem, cùm tantum promissio intercessisset, uxor Jacob nominabatur, sic & Maria propter solam despontationem uxor Joseph vocabatur.

X.

Hocum Patrum sententia his fulcitur rationibus. Prima, quia videbitur D. Josephi & Beatæ Virginis conjunctio fuisse tantum animorum ut sibi invicem adhaerenter adhesione dilectionis, & perpetua cohabitationis: sed, ut præmonuitus initio hujus capituli, hoc non sufficit ad verum matrimonium, ergo, &c. Secunda, quia Beata Virgo & D. Josephus contrahendo non tantum non potuerunt habere animum & intentionem se cognoscendi carnaliter sed etiam debuerunt contrahere cum animo & conditione nunquam se cognoscendi isto modo, seu nunquam petendi & reddendi debitum: alias enim peccassent contra suum votum, quod est impium: sed hæc conditio est contra substantiam matrimonii & illud irritum facit, ut definivit Gregorius IX. cap. final. *de condit. appos.* Ubi inter alias hanc pónit Pontifex, *Contra te cum si generationem prolis evites*, quam declarat esse contra substantiam matrimonii, quia nimisrum est contraria illius fini: sed votum ser-

vandi castitatem & nunquam se copulandi est votum vitandi generationem prolis; quia non se copulando vitatur proles ergo, &c. Tertia, quia in mundo jure petendi debitum, & mutua obligatione illud reddendi, consistit essentia matrimonii: ex illo autem voto servandi castitatem, oritur omnino privatio juris petendi debitum, & de obligatio illud reddendi; ergo destruit matrimonii essentiam. Quarta, ad hoc ut contractus sit validus in quacumque tandem materia, debet is qui contrahit esse sui juris in illâ materiâ de quâ contrahit: sed Beata Virgo post votum castitatis non erat amplius sui juris ut dominium sui corporis transferret in alterum ad actum conjugalem, ergo non potuit validè contrahere; major est certa minor videtur evidens, quia ille est sui juris ut suum corpus transferat in dominium alterius quoad actum conjugalem, qui potest liberè de corpore suo disponere in ordine ad istum actum, sed qui vovit castitatem non potest amplius de suo corpore disponere in ordine ad istum actum, ergo &c.

His tamen non obstantibus certum est inter Beatam Virginem & Divum Josephum verum proprium, ac ratum conjugium intercessisse: huic Evangelicæ veritati consonant Patrum testimonia, adstipulantur Scholastici omnes in 4. sentent. dist. 29. & 30. & in tertia part. quæst. 29. torque ac tam claris fulcitur Scripturæ locis, ut plures celeberrimi Theologi eam sententiam putent esse de fide, inter quos Gabriel à Sanctâ Mariâ Archiepiscop. Rhemensis in concionibus adventualib. sup. missus est, serm. 7. statim à principio, Suarez tom. 2. in 3 part. quæst. 29. art. 1. & 2. disp. 7. sect. 1. Fonseca Augustinianus in vita Christi cap. 9. Zarate et codem ordine lib. de discursibus in materia Incarnationis quæst. 29. disc. 2. Petrus Morales in c. 1. Matt. lib. 2. tract. 3. n. 8. Escobar tom. 3. in Evang. lib. 2. tit. *Maria nupta* §. 8. n. 30. & alii ab iis citati.

Probatur ergo hæc veritas ex Scripturis. Primo, illis in quibus D. Josephus dicitur vir, id est maritus Beatæ Virginis, ut Matthæi cap. 1. vers. 16. *Jacob autem genuit Ioseph virum Marie de quâ natus est*, &c. Et ibid. vers. 29. *Ioseph*

nō p̄s

*Joseph autem vir ejus cum esset justus. Constat enim nomen istud vir junc-
tum possesso eo attributum alicui
fœminæ, nunquam sumi pro sponso
cum quo sint tantum sponsalia seu pro-
missiones de futuro, sed semper & ab
omnibus pro sponso qui sit verè mari-
tus: Et ratio est evidentissima, quia
simplex promissio alicujus rei, non
transfert eam rem in dominium & po-
testatem illius cui promittitur, ergo
non potest dici de fœminâ quod ali-
quis sit vir ejus per solam promissio-
nem de futuro, sed necessariò requiri-
tur præter promissionem traditio, in
quo stat conjugium, & distinguitur à
sponsalibus.*

tabant, nisi quia sciebant D. Josephum
Christi Matrem duxisse uxorem? ne-
que enim cogitandum est Christum
existimatum ab illis spuriū filium Jo-
sephi, aut illegitimè natum: Nec fuisset
satis consultum generationi Christi
legitimæ, nisi tali modo Beata Virginis
aptatus fuisset D. Josephus, ut filius ex
câ genitus legitimus credi posset, non
potuisset autem nisi fuisset maritus Di-
vus Josephus.

Secundò, à Beatâ Virgine ita appellatus est Luca cap. 2. verf. 48. *Fili quid fecisti nobis sic? Ecce Pater tuus & ego do-
lentes quærebamus te:* Ita à Sancto Spi-
ritu per Evangelistam Lucam eodem
cap. 2. v. 33. *Erat Pater eius & Mater mi-
rantes super his quæ dicebantur de illo. Ibi-
dem v. 27. Cùm inducerent puerum Jesum
Parentes eius, id est Joseph & Maria. Verf.
41. Et ibant parentes eius per omnes annos
in Ierusalem in solemnî die Pasche. verf. 43.
Remansit puer Jesus in Ierusalem, & non
cognoverant parentes eius. Quod nomen
licet ei cōpetere non possit titulo gene-
rationis, uti putabant ex deceptione Iu-
dæi, potest tamen ei competere titulo
matrimonii initi, & existentis cum Vir-
gine Matre ejus, eo tempore, quo in eâ
conceptus est, ut videbimus Tract. seq.*

XVI.

Probatur quartò, ex verbis quibus
ipsa eorum desponsatio exprimitur in
Scripturâ Matthæi cap. 1. verf. 18. *Cum
esset desponsata Mater IESV Maria Jo-
seph, antequam convenienter inventa es-
t in utero habens de Spiritu Sancto, ubi
manifestè innuit Evangelista Mariam
tunc sic fuisse Iosepho desponsatam,
ut quantum est ex parte vinculi hone-
stè convenire potuissent, quod non fe-
cerant: Atqui copula non potest sequi
ex solis sponsalibus, sed ex tolo con-
jugio vero: Ergo fuit tunc inter illos
conjugium verum, Item Luca cap. 2.
verf. 4. & 5. *Ascendit autem & Ioseph
à Galilæa de Civitate Nazareth, &c. ut
profiteretur cum Mariâ sibi desponsata
uxore pregnanti.* Ex quo loco mani-
festum est quod talis erat tunc despon-
satio quæ Mariam fecerat Iosephi
uxorem. Vide supra Section. præced.
num. 7.*

Probatur quintò & ultimò effica-
cissimè ex Genealogiâ Christi Domini
ductâ ab Abraham usque ad Iosephum:
Gg 2 Cūm

XVII.

XVIII.

XIX.

Cūm

Cum enim Evangelista non per Mariam, sed per Iosephum ducat Christi Genealogiam, & probare intendat verum Christi descensum ex Abraham & Davide secundum carnem, quomodo scopum attingeret, si Divus Iosephus non fuisset saltem Vir seu Maritus verus Mariae Matris Christi? Quod si dicas sufficere quod fuerit Vir Mariæ secundum vulgi opinionem: Respondeo negando, quia ut Christus proabetur verè Messias & Rex Iudeorum, non sufficit quod secundum vulgi opinionem tantum descendat ex Abrahamo & Davide, sed debet ostendi vere ex illis descendere, quod non fieret nisi Ioseph esset verè Maritus Virginis.

SECTIO III.

Idem probatur ex Sanctis Patribus.

XIX. **H**UIC veritati quæ in Scripturâ Hadeò clara est, quomodo non ad stipularentur Sancti Patres: illos ergo audiamus, ac primò quidem D. Ambrosium lib. de Instit. Virgin. cap. 5. ubi ait: *De sponsata viro Mater Domini, conjugis nomen accepit: Cum initiatur conjugium, tum conjugii nomen affectetur: non enim deslroratio virginitatis facit conjugium, sed pactio conjugalis. Cum jungitur puerilla, conjugium est, non cum virili commixtione cognoscitur: Idem lib. 2. in Luc. cap. 1. post medium. Non te moveat quod frequenter Mariam scriptura vocat conjugem: non enim virginitatis erexitio, sed conjugii testificatio, & nuptiarum celebratio declaratur. Vide eum quoque epist. 79.*

XX. Secundò, & maximè maximum omnium D. Augustinū. Primò, lib. de bono conjugali cap. 3. ubi verum agnoscit & fatetur matrimoniu[m] etiam inter illos qui procreationem liberorum nō querunt, nec sperant, solâ interim animi conjunctione contenti. Idem lib. 23. contra Faustum Manichæum cap. 8. toto quod hic transcribo. *Quid ergo jam moveat sancti Evangelis factorem, quod sine concubitu Iosephus Christus natus ex Virgine, filius tamen David appellatur,*

cum generationum seriem non usque ad Mariam, sed usque ad Ioseph Matthæus Evangelistaperducat? Primo, quia matrem Iosephus fuerat, proper virilem sexum, potius honoranda persona: neque enim quia concubitu[n]on permixtus, idè non maritus, cum ipse Matthæus narrat ab Angelo Mariam conjugem ipsius appellatam, qui narrat quod non ipsius concubitu[n] sed de Spiritu sancto conceperat: Quod si non Matthæus Apostolus ista vera, sed alius quis alius sub eius nomine (sicut Manichæi putant) ea falsa conscriberet, itane sibi etiam ipse in rebus apertissimis, & tamè proximo contextis, contraria loqueretur, ut quem diceret David filium de Mari Virginē sine cuiusquam viri concubitu[n]um, eiusdem parentes gradatim enumerans, usque ad eum sine aliquaratione produceret, quem non commixtum Marie ipse dixisset? si enim alius enumeraret progenitores Christi à David usque ad Ioseph, dicens eum filium David; & alius cum sine ullius viri concubitu[n]um natum dicere, nec eum filium David appellaret, nec sic continuò putari deberemus eos sibi hec contraria locutus fuisse, ut vel ambo velunus eorum falsitas convinceretur: Cogitare enim debemus fieri potuisse ut ambo vera dicentes: ut & Ioseph Maritus Marie dicentur habens eam coniugem continenter, non concubitu[n], sed affectu[n], non commixtione corporum, sed copulatione (quod carius est) animorum; & idè non debuisse virum Virginis Matris Christi parari à serie parentum Christi: & ipsam Mariam aliquam de stirpe David venam sanguinis ducere, ut caro Christi etiam ex virginie procreata, sine David semine esse non posset. Cum verò unus idemque narrator utrumque dicat, utrumque commendet, & virum Maria Ioseph, & Christi virginem Matrem, & Christum ex semine David, & Ioseph in serie progenitorum Christi ex David: quid restat ut credas, qui manu[m] Evangelio, quam hereticorum fabulis crederet? nisi & Mariam non fuisse extraneam à cognitione David, & eam Iosephi coniugem, & non frustra appellatam, proper ordinem sexus, & animorum confederationem, quamvis ei non fuerit carne commixtus: & Ioseph potius proper dignitatem virilem ab ordine generationum illarum non fuisse separandum,